


Жоғары оқу орындарында

# Ұстаз білікті болмаса...



**Білім – ақ пен қараны ажырататын, адам баласының көзін ашатын, оған берілген үлкен сый. Білім – ақыл мен парасаттың белгісі.**

Қай заманда болмасын адамзат алдында тұратын ұлы мұрат-міндеттердің ең бастысы – өзінің ісін, өмірін жалғастыратын салауатты, саналы ұрпақ тәрбиелеу. Ұрпақ тәрбиесі – келешек қоғам тәрбиесі. Сол келешек иелерін жан-жақты жетілген, ақыл-парасаты мол, мәдени-ғылыми өрісін озық етіп тәрбиелеу – біздің де қоғам алдындағы борышымыз.

Мемлекет басшысы Қасым-Жомарт Тоқаев кезекті бір тамыз кеңесінде «Еліміздің лайықты азаматтарын тәрбиелеу – педагогтардың және ата-аналардың міндеті. Лайықты азамат – бұл өз білімін Отанымыздың игілігі үшін жұмсайтын адам. Алдымызда тұрған құбылмалы заманда жастарымыз еңбекқор болмаса, ешқандай бәсекеге түсе алмайтынын терең түсінуі керек» деп айтып өтті.

Әрине, бәсекеге қабілетті елдер көшіне ілесу үшін баланы сауатты, саналы етіп тәрбиелеу қажет. Соған сәйкес ұстаздарға қойылар талап үлкен. Сол талаптардың үдесінен шығу үшін оларға талмай ізденіс керек. Шәкірттерінің қызығушылығын арттыру, алға жетелеу, танымын кеңейту, олармен етене жұмыс істеу – қай кезде де мұғалімнің нәгізгі міндеті. Үздік атанған әрбір шәкірттің жетістігінде ұлағатты ұстаздың маңдай тері, жылдар бойы өткен еңбегі бар. Сол еңбектің еш кетпегені ол үшін бәрінен қымбат. Жастардың ғылымды, заманауи технологияны игеріп, функционалды сауаттылығын арттыру үшін тынбай ізденулері – кемеі келешектің белгісі.

Қазір ғылым мен технологияның қарыштап дамыған кезі. Күн сайын алпауыт елдер тың дүниелер ойлап табады. Осындай дамыған мемлекеттермен иықтiresе қатар тұру үшін бізге де білім мен ғылымды тереңінен игеру қажет. Жуырда ғана жарияланған Мемлекет басшысының кезекті Жолдауында адами капиталды жаңғырту мәселесінде

алдымен тәрбие мен білім беруді қолға алу керектігі баса айтылды. Осы орайда біздерге артылған сенім мен жауапкершіліктің еселенгенін шын жүрекпен сезінуіміз керек. Ұстазы білікті болмаса шәкірттің де сапалы білім алуы екіталай.

М.Әуезов атындағы Оңтүстік Қазақстан университетінде өз мамандығын меңгеруде сапалы білім беретін ұстаздар жетерлік. Мұнай-газ ісі кафедрасы ұжымы да елімізде болашақта мұнай және газ ісін меңгерген білікті мамандар даярлауға сүбелі үлес қосуда. Студенттер мұнай және газ ұңғымаларын бұрғылау технологиясын, мұнай қабаттарының бағасы мен сипаттамасын, ұңғымаларын геоизиялық және гидродинамикалық зерттеулерді, мұнай өндіру техникасы мен технологиясын, қабаттардың мұнай беруін арттыру әдістерін, сондай-ақ мұнай және газ өндіру процестерін компьютерлік модельдеуді және мұнай-газ инженерия саласында терең білім мен дағдыларды тереңінен меңгереді.

Біздің түлектер Қазақстанда да, одан тыс жерлерде де мұнай-газ өндіруші компаниялар, ғылыми-зерттеу және жобалау институттары үшін сервистік қызмет көрсету саласында жоғары ақы төлеңетін жұмыс алу мүмкіндігіне ие болады.

Сапалы білім беру, саналы ұрпақ тәрбиелеу үрдісін жалғап келе жатқан білім ошағы оқытудың жаңа технологиялық әдістерін қолдану арқылы жаңа бөлестерге бет түзеді. Ендігі кезекте білім сапасын жетілдірудің жаңа бағыты бойынша жүйелі жұмыстар жүргізілмек.

**Айнұр САДЫРБАЕВА,**

**М.Әуезов атындағы ОҚУ-дың «Мұнайгаз ісі» кафедрасының профессоры, техника ғылымдарының кандидаты.**

**Вера БОҢДАРЕНКО,**

**М.Әуезов атындағы ОҚУ-дың «Мұнайгаз ісі» кафедрасының доценті, техника ғылымдарының кандидаты.**